

# Hajvani, Šejtani i Insani

(Ili kako je i 5 posto  
uglavnom odlučujuće...)

**D**akle, dragi moji, predizborna tuča - pardon, kampanja je počela. Bit će tu svega i svačega kao u svakom cirkusu je li tako... U međuvremenu je *Krivaja* definitivno propala (u svom tom jadu i bijedi jedino se pozitivnim čini to što su Sudovi NAPOKON odbili da vode politiku, već su sudili po zakonu – o konsekvencama zakonitih odluka o Stečaju *Krivaje* trebala je politika misliti puno ranije), a još mnogo drugih čeka u redu. Nikog manje-više ne interesuju radna mjesta koja se mogu još uvijek spasiti – kakav biznis kad idu izbori, a oni su na Balkanu ipak najveći i najvažniji biznis. I da budem poštena prema ovim našim nije to baš samo njihov, odnosno, naš specijalitet. Evo i primjera - jedan visoko rangirani političar Evropske unije ovih je dana dao vrlo zanimljivu izjavu, a sve osvrćući se na neophodne i samim tim bolne reforme potrebne da se šteta globalne krize svede na minimum. Citiram, dakle, pomenutog gospodina – Svi mi znamo šta treba uraditi i to nije problem. Problem je što ne znamo kako to uraditi i ostati na vlasti – kraj citata. Ako vam poznato zvuči, niste jedini... I sjetim se jedne cinične (što će reći mudre) definicije ljudskog roda ovdje na brdovitom Balkanu. Kaže, dakle, Mula Mustafa Bašeskija – Bog je stvorio ljude na slijedeći način: od čitave ljudske populacije uvijek ima 90 posto Hajvana, 5 posto Insana i 5 posto Šejtana. Kad su Šejtani jači - Hajvani idu za njima – kad prevladaju Insani, onda Hajvani idu za njima... Dakle, nikad nije do Hajvana- uvijek je jal' do Insana jal' do Šejtana. Pa nam svima valja u oktobru izabrati... Sve je dakle u 5 posto! **B**

Aida Delić,  
Glavna i odgovorna urednica